

treibt allerley Wärm im Bauch. Gesotten mit Cennanien in Wein vnd getruncken/ vertreibt die Wassersucht von Falrer Materien.

Knoblauch gestossen/darunter gemischt Coriander/genüzt mit Wein vertreibet das Lendenwehe / hilfft den schweren Athemen/weichet den Bauch.

Wer stährigs Knoblauch ist / bringet Hauptwehe/ vnd Vnreißigkeit des Geblüts/ vnd ist böß rohe gesehen den Augen.

Ist aber den Arbeitern / die stährts Wasser trincken/ vnd kalte vnverdawliche Speiß essen gut / darumb ist Knoblauch ein Tyriack der Bawren.

Knoblauch Wasser.

Gebrandt in den Hundstagen / ist gut zu dem verschwellenen Hals/ Tücher mit diesem Wasser darumb geschlagen/ vnd zwey Loth getruncken alle Tag/ bis man geneuht / ist auch gut getruncken / für alle obgesmeldte Brantheiten.

Eppich.

Garten Eppich/ Stein Petersilgen/ Winter Eppich.

Eppich ist warm im ersten Grad/ vnd trucken im andern. Der samen wird genüzt in der Artzney mehr dann das Kraut oder Wurzel / gleichet sich dem Körbeln/ vnd hat weisse Blümlein.

Eppich samen gepulvert / vnd eingenommen mit Mehrrettich wasser / macht wol Harnen/ zerbricht den Stein in der Blasen vnd in der Lenden / machet einen wolriechenden Mund. Aber gemenget mit Gerstensmäl / vnd über hizige Augen gelegt / löschet sie / vnd den hizigen Magen. Erweicht die verhartten Frauen Brüst von Milch / mit Fenchel samen vermischet / macht auch einem wider ein gute Farb/ täglich in der

Von allerhand Arzney/



Kost gessen/ vnd mit Pestertlein Wurzel in Wein gesotten / ist gut für die Wassersucht.

Schwangere Frawē sollen Eppich meiden / deßgleichen die so die Kinder säugen / auß vielen Ursachen.

Eppich Wasser.

Brenne es mit aller Substanz im ende deß Meyens. Das Wasser auff die Schläff gestrichen / macht ruhen. Ist gut denen so den Stein haben / den treibt es auß / reinigt die Därme / vnd Blasen. Ist aber den Frawen nicht gut / denn es vertreibt die Geburt gern / verfährt den Samen / vnd thut Schaden der Frawen.

Bilder Eppich.

Byß vnd trucken in dem dritten Grad / bey faulen Wassern / da die Frösch wohnen / wächst es gern. Zerknütscht vnd auffgelegt / heilet Wargen / auff den Zehen vnd Füßen.

Dieses Krauts Saft nimpt der Frawen Geschwulst an den Brüsten / mit Ibschwurzel darauff gelegt. Der Samen vermag auch die ietzt genannte stuck / ist nicht so sorglich im Leib / als das Kraut oder die Blätter. Vnd getrun